

VISITE HISTORIQUE DE CUCURON PAR ELIE LÈBRE. 11° extrait

Elie Lèbre, agriculteur à Cucuron (1920-1991), a écrit et enregistré pour une émission radiophonique l'histoire et la description de notre village. Il se réfère aux ouvrages qui ont été écrits sur le sujet, notamment « Cucuron » de Maurice Taron (Luberon Nature, 1979). Le texte ci-dessous continue la visite du village à partir de la Mairie.

Revenem sus nòstra gaucha en lonjant lo rocàs. Lo premier **ostau** a man **drecha** es estat la primera **comuna** dau país. Li dison « la Mairie du Trencat ». I avié tot pròchi un portau d'intrada dins l'**encencha** qu'a dispareissut : èra la Pòrta dau Trencat. En contunhant de **seguir** aquela **carriera**, vesètz tot de lòng dau rocàs lei **cròtas** e lei roinas deis ostaus qu'èron **cotats** còtra lo mamelon.

A drecha de la carriera, la **maja** part deis ostaus son estats restaurats, sovènt pèr d'estrangers. Es lo quartier de Còsta Cauda, que pòrta bèn son nom, bèn espausat au **miejorn** dau mamelon, solelhat quasi tot lo jorn. Es dins lei cròtas de Còsta Cauda que i a lo darnier molin d'**òli** que marcha encara a l'ora de **vuei**. Dins lo tèmps n'i avié d'autrei qu'an dispareissut.

La carriera que seguissèm nos remena a la carriera dei **Forns** e a la placeta onte eriam **adès**. Travessem-la, passèm sota l'Ostau de la Rèina Jana, e nos vaquì dins la carriera dau **Morre Fresc**. I a aquì **pron** d'ostaus interessants amé de bèlei pòrtas romanas e de fenèstras a menaus. N'i a un au fons d'un passagi **cubèrt** que a au dessus de son **lindau** un bèl escusson : èra l'**intrada** dau premier ospici de Cucuron.

Arrivam ara dins la carriera que lònja lo **barri** de l'Ubac fins qu'a la Torre de l'**Aura**, que defendié la pòrta dau meme nom, qu'a dispareissut, e qu'èra **tocant**.

Vocabulari

adès : tout à l'heure

aura : vent, bise

barri : rempart

carriera : rue

comuna : commune ; mairie

cotat : bloqué, accolé

cròta : cave

cubèrt : couvert

drecha : droite

encencha : enceinte

forn : four

fresc : frais

intrada : entrée

lindau : linteau, seuil

mage, maja : plus grand

miejorn : midi, sud

morre : museau ; colline

òli : huile

ostau : maison

pron : assez ; bon nombre

seguir : suivre

tocant : attendant

vuei : aujourd'hui